

Predmet : Zastupnička **INICIJATIVA**

4. Radna sjednica

Datum: 08.02.2023. godine

Uputiti:

-Predsjedavajući Skupštine Kantona Sarajevo

-Vlada KS/Ministarstvo komunalne privrede, infrastrukture, prostornog uređenja, građenja i zaštite okoliša.

Na osnovu Poslovnika Skupštine KS, upućujem inicijativu za planiranje sredstava i uvođenje programa poticaja/sufinansiranja kod ugradnje solarnih panela za proizvodnju električne energije, sistema toplotnih pumpi i slično, kako za individualna domaćinstva tako i za poslovne subjekte u Kantonu Sarajevo kao odvojen dva programa.

Obrazloženje

Podnosim inicijativu Vladi KS i nadležnom ministarstvu da se razmotri program poticaja za 2023.godinu kao i narednih godina kao stalni program u kojem bi se zainteresovanim građanima u individualnim domaćinstvima i poslovnim subjektima putem sufinasiranja ugradnje pomoglo u što masovnijem korištenju ekološki prihvatljivih izvora energije. Radi se o ugradnji solarnih panela, toplotnih pumpi i slično.

Svjedoci smo globalnog stanja i poremećaja sa cijenama energenata, smatram da je neophodno brzo djelovati uvođenjem i ove vrste poticaja. Posebno naglašavam da bi ova mjera dugoročno dala rezultate i oko poboljšanja kvalitete zraka u Kantonu Sarajevo obzirom na ozbiljne probleme po tom pitanju i opredjeljenje Skupštine i Vlade KS za što brža a prihvatljiva rješenja po ovom osnovu.

Tražim od Vlade KS odnosno resornog ministarstva da razmotri i usvoji inicijativu uz prijedlog da minimalni procenat sufinasiranja ne bi trebao biti ispod 50 % od ukupne vrijednosti. Takođe tražim od Vlade KS da sa institucijama na nivou FBiH (JP Elektroprivreda BiH i Fond za zaštitu okoliša FBiH) kao i

lokalnim zajednicama u KS uspostavi model saradnje sa dodatnim učešćem podrške shodno programima i finansijskim mogućnostima lokalnih zajednica.

Posebno naglašavam neophodnim saradnju sa EU fondovima i institucijama koje pružaju podršku proizvodnji obnovljivih, ekološki prihvatljivim vidovima energije. Obzirom i na dosadašnje opredjeljenje Vlade KS vjerujem da će i ova inicijativa dobiti podršku kako bi se što prije krenulo u pripreme za realizaciju.

S poštovanjem

Zastupnik Elvis Vreto

Narod i Pravda